



საქართველოს მეცნიერებათა ეროვნული აკადემია

ქართული ენციკლოპედიის ი. აბაშიძის სახელობის მთავარი სამეცნიერო რედაქცია

კოჯა ჰუსეინი

კოჯა ჰუსეინი (დ. წ. უცნობია, - 1644 ან 1650), თურქი ისტორიკოსი. მისი თხზულება „საკვირველი ამბები“ („ბედაი ულვეყაი“) კომპილაციური ხასიათისაა. მასში გადმოცემულია ამბები ოსმალთა იმპერიის დაარსებიდან 1520-მდე; მოიცავს საყურადღებო ცნობებს საქართვევ. XV-XVI სს. ისტორიის შესახებ. აღწერილია სულთან სელიმ I-ის ლაშქრობა საქართველოში, როდესაც სელიმ I, ჯერ კიდევ უფლისწული, ტრაპიზონის გამგებელი იყო, აგრეთვე ოსმალთა ლაშქრის საქართველოში შემოსვლა, ქვეყნის აოხრება და დიდი ნადავლითა და ტყვეებით უკან გაბრუნება.

ლიტ.: შ ე ნ გ ე ლ ი ა ნ., XV-XIX საუკუნეების საქართველოს ისტორიის ოსმალური წყაროები, თბ., 1974.

ნ. შენგელია
